

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

De Personis Ecclesiasticis, Earumque statu, Dignitate, munere, &
Immunitate

Strein, Johann

Coloniæ Agrippinæ, 1658

§. 8. De Obedientia.

[urn:nbn:de:hbz:466:1-61816](#)

actus Venereus, seu, ut loquuntur, lapsus
carnis voluntarius V. Suar. IV. de Relig. l. 2.
c. 18. Sanch. l. 5. c. 6. n. 9. Umbertum in Reg. S.
Aug. Lud. de ponte de perf. Christ. Tract. 2.
Caramuel. in Reg. S. Bened. n. 980.

VI. Religiosus qui contra Votum Ca-
stitatis peccavit, si Sacerdos, Diaconus,
aut Subdiaconus sit, in confessione satis-
facit dicendo, se vero solenni Castitatis
teneri, vel religiosum professum esse:
quia licet dupli voto Castitatis obliga-
tur, non tamen contra duplē Virtutē
castitati oppositam peccat. Specifici-
cari enim peccata non ex materiali, sed
formali diversitate objectorum, seu ho-
nestatis oppositā passim Theologi do-
cent cum S. Thom. 12. q. 72 art. 1. Imò ali-
qui putant non addendum Tō solenne eo
quod Votum simplex Castitati, & solen-
ne non distinguantur specie. Contra-
rium verò probabilius est. Medina ad q.
72. S. Tho. Valentia. Tom. II. D. 6. q. 2. pan. 1.
Azor. l. 1. 4. c. 2. & l. 12. c. 12. q. 9. Lefsius c. 40.
D. 5. n. 40. Bonacina To. II p. 117. Sanch. l. 7. de
Matr. D. 27. n. 14. & in Decal. l. 5. c. 6. n. 3. &
14. Filliuc. tract. 21. c. 6. n. 236. Caramuel in
Reg. S. Bened. n. 999. Alia huc pertinentia
ad sextum Decalogi praeceptum perti-
nent & Theologo Morali explicanda re-
linquuntur.

§. VIII.

De obedientia Religiosā.

I. Obedientia, seu observantia Re-
gularis est triplex. Prima essentialis,
seu substantialis absolute, quia est de
intrinseca ratione cuiuscunq; Ordinis
religiosi, cuiusmodi est observatio trium

votorum essentialium. Secunda essentia-
lis respectivè, quia obligat ad peccatum
propter speciales alicujus Religionis
Constitutiones. Sic apud Fratres Mino-
res de observantia sunt 25. præcepta ad
peccatum mortale obligantia, & in Socie-
tate Jesu præter Vota solennia, & com-
munia, sunt specialia quædam à Professis
quatuor Votorum nuncupanda, quo-
rum propterea transgressio gravis cen-
serur, ut si quis ambiret dignitatem ali-
quam, velin eam consentiret. Tertia
nullo modo essentialis est, nec culpam
inducit, qualia sunt, quæ ad viæcum, ve-
stitum, & communem vitæ rationem
pertinent. V. Umbertum in 29. Reg. S. Aug.
Rodrig. Tom. III. q. 19. art. 1. Suarez. IV. de
Relig. c. 14. Sanch. l. 6. Mor. c. 1. Lefsius c. 46. D.
4. Lud. de pon. par. 3. tract. 6. c. xi.

II. Religiosus sub peccato tenetur o-
bedire superiori suo, ita, ut ex contemptu
nihil agat contra regulam; aut manda-
tum illius. Hoc enim ante omnia signifi-
cant illa verba, Voreo obedientiam. Nec
apud DD. & rerum spiritualium Magi-
stros dubium est, quin mortale pecca-
tum committi possit per contemptum
mandati Superioris. Censetur autem ex
contemptu violare mandatum, qui non
ex negligentia, aut cupiditate omittit, sed
quia non vult regulæ, & superiori subje-
ctus esse: vel cum eo fine negligit, ut o-
stendat, se mandatum, & regulam nihil
facere. Materiæ parvitas tamen, ut in a-
liis quoque à mortali culpa excusare po-
test Extra. de mai. & obed. Trithem. in c. 5.
Reg. S. Bened. Item in c. 7. Gradu 3. Sily. V.
obedientiâ. Moſc. l. 1. par. 4. c. 3. Sanchez. l. 6.
Mor. c. 1. n. 7. & c. 4. n. 8. & 16. Suar. IV. de
Rel. l. 2. c. 8. n. 25.

272

§. VIII. DE OBEDIENTIA

III. Cum Superior aliquid mandat sub virtute, vel in virtute Obedientiae, censetur gravem obligationem imponere, ita ut sub peccato mortali obediens subditus teneatur: Alias probabile est, non velle obligare, nisi quantum regula obligat, hoc est, vel sub veniali tantum, vel sub pena, & correctione regulari: quem in modum ipsius Regule obligare censentur. Antonin. 2. Par. 11. 4. c. 2. Sanch. 1. 6. Mor. c. 4. n. 43. Azor. 1. 1. s. 6. Q. 5. Sayrn. 1. 3. c. 7 n. 24. No. hic quoque materia levitas culpam minuit, ut bene explicat. Caramuel in R. Ben. n. 94.

IV. Non tenetur obediens Religiosus, cum Superior mandat aliquid contra, supra, vel infra Regulam. *c. Licet de Regularibus.* Superior enim custos Regule est, & executor, ac proinde intra limites illius se continere debet. Hinc S. Bern. l. 1. de praeceptis dispens. Praelarii iustio, vel prohibitio non praetereat terminos professionis: nec ultra extendi potest, nec contrahi citra. Supra Regulam censetur esse, ubi in Ordine non est recepta consuetudo, ieunare duplice quadragesimâ: ire ad infideles cum manifesto periculo vitae, servire ægitis in hospitali, & similia. Item acceptare episcopatum, suscipere curam medendi, advocandi, &c. Contra regulam, praepitere Carthusiano esum carnium. Infra regulam, habere curam pecorum, frequentare convivia, choreas agitare. Non est inconveniens tamen asperum aliquid, puta, flagellationem aut ieunium in penam delicti imponere. Innoc. in c. Veniens de iure iur. Silv. Religio n. 6. Tolet. 1. 8. c. 16. Laym. in defens. iusta c. 3 p. 83. Quid autem si præcipiat indifferens aliquid? Miranda Q. 26. art. 9. putat non obligari subditum.

Limita, nisi appareat, eo fitie imperari, ut subditus obedientia, & humilitas probetur. Trithem. in Reg. S. Bened. c. 7. Gradu 3. Sanch. l. 6. Mor. c. 2. n. 13. & seqq. Caramuel in Theol. Regulari Disp. 22. & in Comm. n. 690. & seqq. Tuschus Concl. 326.

V. Quando dubitatur de potestate praepcientis, vel an sit legitimus Superior, ad obediendum illi nemo tenetur. Melior est enim conditio possidentis putalibertatem suam. Pari modo nemo tenetur lege, de qua an vera lex sit, iuste dubitatur. Idem dicendum, si de re praecepta dubitetur an licita sit, quia exponitur dubitans periculo peccandi. Hinc Adrianus quodl. 2. art. 2. Nullus dubitans de actu, an sit mortalis vel non, licite obedit, ipso sic dubitante. Tenerit autem subditus conniti ut dubium abjectat. Quod ipsum adhuc limitant DD. nisi obediendo aliquod grave incommodum in persona, honore vel rebus subdita aut alteri cuiquam timeatur: non obediendo autem nihil incommodi sequatur. Summ. in V. Dubium. Roder. 111. Q. 19. a. 5. & seqq. Reginald. l. 13. n. 100. Fill. Tr. 21. n. 153. Sanch. l. 6. Mor. c. 3. n. 2. & sequi. Bonac. Tom. II. p. 364. Em. Sa. V. Dubium. Card. Lugo. l. 3. Consil. D. 19. Armilla. V. Obedientia. n. 4. Bardus Disp. c. 6. c. 2. §. 8.

VI. Non posse Superiorum præcipere actus meritorios, puta Orationis mentalis, Spei, Charitatis, & similes multi DD. putant: id tamen non omnino certum esse Layman probat l. 4. Tr. 5. c. 9. Nam 1. ad talerum Obedientiam cum sit opus Deo gratum, Religiosus voto se obstringere potest. 2. probabile est, in quibusdam Ordinibus, ubi accurasier disciplina est, cum tali intentione Votum Obedientiae nuncupari.

PARS I. TIT. XV. DE REGULARIBVS.

213

Capit. 3. Superioris irritare possunt Vota de actibus meritis internis. Vnde colligitur, eos habere potestatem gubernativam in Actus meritis internos. Deinde non ratione iniunguntur Orationes ad intentionem Superioris, quae intentio meritis interna est. *Idem Suarez. 3. de Rel. l. 10. c. 9.* addens non expedire docet, ut sub obligatione peccati tales actus imperentur. Nam neque de observatione, & transgressione illocum Superior cognoscere potest: neque ad studium perfectionis in quo versantur religiosi, multum proderit.

VII. Quando regula sub peccato obligat, transgressio illius est contra Votum obedientiae, & sacrilega, ut colligitur ex Clem. Ex vi de verb. sign. §. *Declaramus. Ratio.* quia Voventes obedientiam obligant se ad observationem Regulae secundum intentionem Auctoris, quae ut suppono, fuit ad mortale peccatum obligare. Quod si actus praecipitus etiam lege divina, vel ecclesiastica imperatur, duplicitis peccati reus fit transgressor, contra Obedientiam videlicet, & contra virtutem, cuius intuitu opus iniungitur. In dubio tamen presumi potest, Regulam non praecipere sub mortali peccato, sed commonetacere de eo, quod faciendum est. *S. Thom. 22. Q. 88. ar. 5 ad 3. Lef. l. 2. c. 46. D. 6. Sanch l. 4. Mor. c. 11. Tolle. l. 8. c. 16.*

VIII. Cum Regula secundum intentionem Auctoris non obligat ad peccatum, nemo peccat contra Virtutem obedientiae, eam non observando: quia Votus huius materia non est qualibet, sed sub gravi obligatione pracepta. Nihilominus reatum peccati inducit, quam si iniungat Superior cum intentione obligationis sub

peccato, omittens haud dubie peccat: Alias minime. *Sanch. l. 6. Mor. c. 2. n. 13 Confessor.* Huius generis Regulae Societatis nostrae sunt, de quibus *S. Ignatius par. 4. Conf. c. 5.* ait, non posse obligationem ad peccatum mortale aut Veniale inducere, nisi Superior in nomine D. N. Iesu Christi, vel in Virtute obedientiae iuberet. Nihilominus propter illarum transgressio nem pœnam esse subeundam monet *par. 3. c. 1. ci. fin. Suar. IV. l. 1. c. 2.* Idem videtur usitatum in Ordine S. Dominici. Idem de Regula S. Benedicti, S. Augustini, & Tertiatorum S. Francisci in communitate ventium *Caramuel affirmat. in Comm. in Reg. s. Benedicti.* Hinc vero dubium enascitur, An nullum omnino peccatum sit, aliquam ex praedictis regulis transgredi? Respondet *Paulus Layman l. 4. Tr. s. c. 9. n. 8 cum S. Thoma, Valentia, Vasquez & Sanchez. l. ci. 1.* Si quis bona fide id faciat, V.g. loquatur cum socio suo, ut illum cofoletur, non peccare, paratum tamen esse debere ad subeundam pœnam. Quod sane mirum. Quomodo enim talis regula, de non loquendo scilicet, obligabit me ad omitendum actum Charitatis, quem hic & nunc necessariò exercendum esse iudico? Dixerim igitur, in tali casu regulam silentii non obligare, nec ab eo violati, qui in castum consolatur. Nunquam enim eiusmodi regulae obligant, quando cum alia maioris pretii lege concurrunt. Nulli charitas, charitati omnia cedunt. Ille lud verum est, quod citatus Auctor monet peccare minimum venialiter, qui animi torpore, aut negligentia regulam violant; item qui propter inordinatum affectum delinquunt. Ratio enim non permettit absque ratione, & iusta causa age re, vell

D. d. 3. re, vell

§. VIII. SATISFIT DVBIIS.

274

re, vel omittere aliquid eorum, quæ uniuscuiusque professioni, ac Statui propria sunt. Fieri etiam potest, ut mortaliter peccet, qui liberè & inordinariè iam quasi consuetudine firmata regulæ præcepta transgreditur, quia vehementer turbat disciplinam religiosam, & exponit se periculo totius Vocationis amittendæ. *Valeant. to. 3. D. 10 p. 4. Pun. 5. Suar. 3. de Relig. l. 10. c. 7. Lud. ponte de perf. T. o. 3. Tr. 6. c. 1. Silv. V. Religio §. 1. n. 8.*

IX. Licet aliquis vovisset omnia, & singula, quæ in Regula continentur, servare, non peccabit graviter in singulis à se neglectis, & prætermisso. In Regula enim continentur magna, & parua, magis & minus necessaria, vel utilia. Illorum ergo, quæ minima in se sunt, & ut minima à plerisque estimantur, non potest esse lethali transgressio, quamvis Voto vel iuramento promissa sit: siquidem in nullius hominis arbitrio est vel per legē communem multis impositam, vel privatam sibi soli indiciam in re non magna magnam obligationem ponere. Tantummodo ea, *inquit Caramueln 96. sub gravi obligeatione custodire teneor, quæ in doctrinam opinionem iudicantur magna; qualia sunt ieunium, & officium divinum; ad ea autem, quæ sunt materia parua, teneor quidem ratione voti, sed tantum sub veniali: quia quando vovo aliqua parua, non teneor sub culpa gravi adimplere votum.* Hæc doctrina expresse est *Soti de iust. l. 7. q. 2. art. 1. Aragon 22 q. 88. Ioann. de la crux in Dir. Par. 1. pro. 2. Ar. 2. Dub. 4. Villalobos in sum To. 2. tr. Et. 34. Diff. 3 n. 3. Sanch. in sum. l. 4. c. 12. n. 16. Tanner. 22. D. 5. D. 3. Ita Caramuel Comm. in Reg. S. Bened. nn. 96. Graff l. 3. c. 25.*

X. Si quereras, Vnde cognoscatur, hanc vel illam: Regulam graviter, & sub mortali peccato obligare, id non minimi laboris & iudicii farebor esse. Attentendū igitur ad hæc tria. 1. an sit materia Voti alicuius substantialis 2. An sit valde necessaria 3. An illis verbis concepta, & proposita, quæ in legibus, & præceptis gravem obligationem significant, quemadmodum latius explicat. *Suar. IV. de Rel. lib. 1. c. 3. Verum hic meminerit Religiosus, Obedientiam, quæ non nisi necessitati deservit valde imperfectam esse, quemadmodum S. Bern. in l. de Dispens. & præcepto c. 9. dicit, causâ additâ. Nam, inquit, perfecta obedientia legem nescit, terminis non attingatur, neque contenta angustiis professionis largiori voluntate fertur in altitudinem charitatis, & ad omne, quod iniungitur, spontanea, vigore liberalis alacrisq; animi modum non considerans, in infinitam libertatem extēditur. Ita S. Bern. Talis obedientia 7 gradus numerantur, seu proprietates. Prima est obedire promptè & libenter. Secunda obedire simpliciter, submittendo iudicium proprium Superiori. Tertia obedire Hilariter. Quarta obedire humiliter. Quinta obedire viriliter, & constanter. Sexta. obedire in differēter. Septima obedire perseverāter. Hæc omnia exemplo Abrahæ copiosius exponit Corn. à lapide in c. 12. Gen. quem lege,*

§. IX.

Satisfit Dubiis.

DVB.I. An Præpositus Generalis cum Capitulo, seu Congregatione legem aliquam, vel Constitutionem ferre queat, quæ sub prima Ordinis Regula nec explicitè,